



**R**egino natione Germanus fuit, qui inter Doctores Germaniæ & Galliæ facile (ut Tritemius inquit) principatum obtinuit. erat enim in sacris & prophanis literis eruditissimus. Itaque factum ut Prumiensis cœnobij ordinis S. Benedicti in Treuirensi monasterio abbas electus fuerit. Ibi diligenter omnes historias euoluit, atque à Christi natiuitate ad annum 908. Chronicon cōscripsit, in quibus potissimum gesta Francorum & Germanorum complexus est. Cum etiam sacerdotes cum uniuerso clero uitijs essent dediti, atque multum à maiorū uestigijs declinassent, Regino iubente Ratbodo Archiepiscopo Treuirorum opus de ecclesiastica disciplina

& religione Christiana ex decretis patrum & generalibus Concilijs composuit, atque id in nonaginta capita magna diligentia distinxit, Anno Christi noningentesimo decimo. Trit.